

# Tuuvdâ- já lihâdemorgaan- taavdâ pyeccei vajodittem- kursah adai Tules-kursah

Tules-vajodittem oovded tuuvdâ- já lihâdemorgaantavdáid pyeccee šiev cevzimân argâpeeivi tiilijn. Tun puávtáh ucâlud Kela vajodittemkursáid ton maŋa, ko tuuvdâ- já lihâdemorgaansymptomeh láá pištám paijeel 3 mánuppaje.

länááš uási kursái tooimâst tábáhtuvá juávhuin já kursâ ohjelm meriduvvoo uásálistei ohtâgâslij já ohtsij uulmij mielđ. Kurssâohjelm tievâsmittoo táárbu mielđ ovtâskâs ulmui stivriimijn.

## Tules-kurssâ já Tules-ávuskurssâ

Tules-kursah uárnejuvvojehe sehe lájádâskurssân (Tules-kurssâ) já ávuskurssân (Tules-ávuskurssâ). Lájádâskuursâst tun ijâstâlah vajodittemsaajeest já ávuskurssâst tun puávtáh jotteeđ päähist.

Kursah heivejehe tunjin, jis

- tust lii selgitavdâ, niske, ärdee tâi pajeryevji tuuvdâ- já lihâdemorgaantavdâ teikâ vyeliryevji stuorrâ lođđâsij (iidâ, čuárvitähti, jyelgiruotâs) tadvâ
- tuuvdâ- já lihâdemorgaansymptomeh láá pištám paijeel 3 mánuppaje
- tunjin láá toohâm tiervâsvuodâhuolâttâsâst tárbulâžžân onnum tutkâmušáid
- tun tarbâšah maangâámmátlii aktivistee juávkkuvajoidittem já toimâlii hárijuttállâm já juávhust toimâm išseed tuu
- tuu pargo-, oppâm- tâi toimânahcâ lii hiäjusmum



- tun lah movtjidum pyeredid pargo-, oppâm- tâi toimânaavcâ sehe nubásmittid eellimtääpi.

Kursái ulmen lii

- lasettid vyeimivaarijd tadváin elimân
- tuárjuđ pargoost já aargâst cevzimest
- nanodid eellimhaldâšem
- adelid tiäđu jieštípšo toorjân
- adelid viärdâsâštorjuu.

## Tules-kurssâ

Tules-kuursah olášuttojeh 9 mánuppaje ääigi. Kuursâst láá 3 vajodittempaje, moh pišteh 5 pirrâmpееivi. Kuursân puáhtá uásálistid meid ávushäämist.

Tules-kuursah čuávwoo juávhuin:

- pargoelimist orroo äššigâsah, kiäin láá
  - niske-ärdeesymptomeh
  - selgivááduh
  - vyeliryevji tuuvdâ- já lihâdemorgaantavdâ
- pargoelimist meddâl orroo vuálá 68-ihásiih puoh tadvâjuávuhuh siämmáá kuursâst
- pargoelimist meddâl orroo paijeel 68-ihásiih puoh tadvâjuávuhuh siämmáá kuursâst.

Pargoelimist orroo ulmuid uárnejuvvojeh kuursah čuávwoo juávhuin:

- äššigâsah, kiäin láá niske- já ärdeesymptomeh
- selgivaduliih äššigâsah
- äššigâsah, kiäin lii vyeliryevji tuuvdâ- já lihâdemorgaantavdâ.

Pargoelimist meddâl orroo ulmuid uárnejuvvojeh kuursah čuávwoo juávhuin:

- vuálá 68-ihásiih äššigâsah (puoh tadvâjuávuhuh siämmáá kuursâst)
- paijeel 68-ihásiih äššigâsah (puoh tadvâjuávuhuh siämmáá kuursâst).

## Tules-ávuskurssâ

Tules-ávuskurssâ olášuttoo 9 mánuppaje ääigi. Kuursâst láá 10 juávkkuhámásâš ávusvajodittempeivid čuávwoo náál.

Kurssâ olášuttoo čuávwoo náál:

- algâtempaje: 3 ávusvajodittempeevi mañaluvâi
- 5 ovtâskâs ávusvajodittempeevi suulân 4 oho kooskâi
- loppâpaje: 2 ávusvajodittempeevi mañaluvâi.

Tules-ávuskuursah uárnejuvvojeh čuávwoo juávhuin:

- pargoelimist orroo ulmuuh (puoh tadvâjuávuhuh siämmáá kuursâst)
- pargoelimist meddâl orroo ulmuuh (puoh tadvâjuávuhuh siämmáá kuursâst).

---

## Vajodittem uuccâm

Vajodittem uuccâm várás tun tarbâšah tuáhtárist B-tuáhtárciälkkámuš, mon ráhtimist lii moonnâm enâmustáá ihe. Tooimât vajodittemucâmuš KU 132smn já tuáhtárciälkkámuš Kelan. Vajodittemucâmuš tun finniih neetist čujottâsâst [www.kela.fi/luamattuvah](http://www.kela.fi/luamattuvah).

Vajodittem lii nuuvtá já toos puáhtá uuccâđ pirrâ ive. Tust puáhtá lede jieijâd vajodittem tâi jieijâd párnáá vajoidittem ääigist vuoigâdvuotâ vajodittemruutân.

Kela sajanmáksá meid vajoditmist šoddâm mätkikoloid.

Kuursah uárnejuvvojeh suomâkielân já tulkkojeh uásálistei táárbu miel jieškote-uv sâmikielân.